



東華錄卷十一

湘源蔣良騏千之父

康熙四十八年正月上詔領侍衛內大臣滿漢大學士尚書等問去年冬爾等何以獨保允禩為皇太子先舉者為誰內大臣巴渾德奏衆人公同入奏並無首先發言之人上曰爾等所舉皆同即大可疑矣此必有倡

首之人內大臣坡爾盆尚之隆奏巴渾德先
發言。

上曰此必舅、佟國維大學士馬齊默喻于
衆。衆乃依阿立議耳。于是復加究問大學士
張玉書等云。是日馬齊先到云。衆人欲舉允
禔。後衆人俱舉允禔。臣等因亦保奏。

上曰。此事明係馬齊暗中喻衆。馬齊向來謬

亂如此大事尚懷私意豈非欲結恩于允禩
為日後恣肆專行計耶尋康親王椿等遵泰

旨審鞫擬馬齊立斬

上不忍即誅即交允禩嚴行拘禁三月初

九日復立允禩為皇太子遣官祭告封允

祉及允祺為親王允祐允祓為郡王允禔允

禔允禔為貝子五月戶部議廣東撫范時

崇言廣西全州灌陽興安三州縣鹽引易銷
靈川陽朔義寧三縣鹽引難銷應撥靈川等
三縣額引勻銷于全州等三縣從之六月
吏部議覆御史張蓮條奏一午門前理宜嚴
肅乃有閑雜人奔馳畧無顧忌請勅守門兵
弁嚴禁一民間設立香會男女混雜又或出
賣淫詞小說及各種秘藥請勅地方官嚴禁

一、地方光棍于瓜果菜蔬等物亦私立牙行
名色勒指商民請勅查稅課定例一切私設
牙行盡數除革從之。山西撫噶禮言原任
工部尚書楊義身故無嗣亦無同宗應繼之
人請將遺產照例入官部議從之。其田十七
頃恐估價短少令核實增估。旨楊義曾為大
臣並無過犯今因其無嗣即將家產入官竟

與罪人無異。非待大臣之道。此事關係體統。
著查例尋議覆。戶絕無嗣家產入官。本有定
例。應照例入官。臣等仰體聖意。請于中撥田
二百畝。為楊義祭掃之用。交伊家人管領。從
之。十月。冊封皇三子多羅貝勒。允祉為和
碩誠親王。皇四子多羅貝勒。御名為和碩雍
親王。皇五子多羅貝勒。允祺為和碩恒親王。

皇七子多羅貝勒允祐為多羅淳郡王。皇
十子允禔為多羅敦郡王。皇九子允禔。皇十
二子允禔。皇十四子允禔俱為固山貝子。

免江南淮揚徐三府二十二州縣衛河南歸
德屬六縣山東兗州屬四州縣四十九年地
丁銀兩。先是致仕大學士熊賜履遺本內
有薦舉伊姪編修熊本清廉謹飭可用之語。

上曰熊賜履人品亦端此語必係虛偽因命
查取疏稿並無其言審係熊本串通家人私
行添改應將熊本革職擬斬秋後處決從之

十一月諭大學士等曰適科臣郝林條奏
各省錢糧虧空郝林但知州縣錢糧有虧空
之弊而所以虧空之根源未之知也凡言虧
空者或謂官吏侵蝕或謂餽送上官此固事

所時有。然地方有清正之督撫。而所屬官員。
虧空更多。則又何說。朕聽政日久。歷事甚多。
于各州縣虧空根源。知之最悉。從前各省錢
糧。除地丁正項外。雜項錢糧。不解京者尚多。
自三逆變亂以後。軍需浩繁。遂將一切存留
款項。盡數解部。其留地方者。惟俸工等項。必
不可省之經費。又經節次裁減。為數甚少。此

外則一絲一粒無不陸續解送京師。雖有尾欠。部中必令起解。州縣有司無纖毫餘剩。可以動支。因而挪移正項之事。此乃虧空之大根源也。再如正項錢糧二千兩徵收未完五百兩者。按分數議處。其例甚輕。若因公那用五百兩。則處分甚重。今但責令賠償足額。其罪似乎可寬。不必深究。凡事不可深究者。極

多。即如州縣一分火耗。亦法所不應取。尋常
交際一二十金。亦法所不應受。若盡以此法
一槩繩人。則人皆獲罪。無所措手足矣。且如
戶部庫中錢糧。歷年存積數雖極清。前此庫
貯一二千萬時。曾令部中逐案盤查。轉多二
十餘萬。即各倉糧米。亦歷年堆積。陳陳相因。
贏餘不少。不肖官役。侵盜未嘗無人。若行盤

查數仍不缺。總之定例所在，有犯必懲。其中
細微，不必深究。諸事大抵如此。現在戶部庫
銀存貯五千餘萬。時當承平，無軍旅之費。又
無土木工程。朕每年經費，極其節省。此存庫
銀兩，並無別用。去年蠲免錢糧，至八百餘萬
兩。而所存尚多。因思從前，恐內帑不足，故將
外省錢糧，盡收入戶部。以今觀之，未為盡善。

天下財賦止有此數。在內既贏。則在外必絀。凡事須預為之備。若各省庫中酌留帑銀。似于地方有濟。倘在外各省一旦倉卒需用。反從京師解出。得無有緩不及事之慮。此又當于無事之時。設長商確者也。爾等可將朕此旨一一傳諭九卿。又諭大學士等曰。明季事蹟。卿等所知。往往紙上陳言。萬歷以後所用。

內監曾有在御前服役者。故朕知之獨詳。正
統間事。史所載不能明確。其在沙漠。嘗生一
子。今有裔孫。現在旗下。天啓呼魏忠賢為老
伴。凡事委之。已竟不與楊漣。左光斗受杖。老
內監猶有目擊者。能具言之。陳新甲所議本
受指于崇禎。及科道交章彈劾。崇禎反畏人
言。歸咎于陳新甲。實非其罪也。明季諸帝俱

諳經史。流賊將至。京營官兵俱分遣至真定。保定。居庸關。堵禦其城守者。惟內監數萬人而已。賊兵破外羅城。由西便門轉攻阜城門。崇禎率內監數人。微行至襄城伯家。其家方閉門演戲。不得入。回登萬壽山。四顧無策。猶欲出奔。太監王承恩止之曰。出恐受辱于賊。崇禎乃止。以身殉國。明朝費用甚奢。興作亦

廣其宮中脂粉銀四十萬兩供應銀數百萬兩至

世祖皇帝登極始悉除之紫禁城內砌地磚橫豎七層一切工作俱派民間宮女九千人內監至十萬人飯食不能徧及日有餓死者今則宮中不過四五百人而已明季宮中用馬口柴紅螺炭以數千萬觔計俱取諸昌平

等州縣。今此柴僅天壇焚燎用之。爾等亦知
馬口柴乎。其柴約長三四尺。淨白無點黑。兩
端刻兩口。故謂之馬口柴。又明季所行多迂
闊可笑。建極殿後階石高厚數丈。方整一塊。
其費不貲。採買搬運至京。不能舁入午門。運
石太監叅奏。此石不肯入午門。乃命將石相
打六十御棍。崇禎嘗學乘馬。兩人執轡。兩人

捧鐙兩人扶鞦甫乘輒巴隆馬乃責馬四十
發苦驛當差馬猶有知識石何所知如此舉
動豈不發喙總由生于深宮長于阿保之手
不知人情物理故也

康熙四十九年正月先是諭禮部蟒式舞者
乃滿洲筵宴大禮至隆重歡慶之盛典向來
皆諸王大臣行之今歲

皇太后七旬大慶朕亦五十有七欲親舞稱觴壬午進宴

上近前起舞進爵四月九卿等遵旨議履僉都御史屠沂條陳節儉事

上諭曰禁止奢僭而崇尚節儉極當于理朕近查宮中人數

皇太后宮及朕所居正宮不過數百人較明

代減省多矣。先是光祿寺供應宮中用度。每年用銀七十萬兩。有餘。朕漸次節省。一年止需七萬兩。理藩院向來每年賞賜供應外藩賓客用銀八十萬兩。今裁減浮費。一年止需八萬兩。戶工兩部前此所用過多。今十日一次奏聞。用過數目已極少矣。朕因臣民僭妄。從前屢有禁約。今若又行禁約。徒有法令繁

滋而巳。究無補于事也。著將原疏發還。十
月。諭戶部。自明年始。于三年以內。將天下錢
糧。通免一周。直隸。奉天。浙江。福建。廣東。廣西。
四川。雲南。貴州。所屬。除漕項錢糧外。康熙五
十年。應徵地畝銀。共七百二十二萬六千一
百兩有奇。應徵人丁銀。共一百一十五萬一
千兩有奇。俱著察明全免。並歷年舊欠。共一

百一十八萬五千四百兩有奇亦俱着免徵
其五十一年五十二年應蠲省分至期候旨
行 戊子諭大學士九卿等曰前命張鵬翮
察審江南虧空曾諭爾等查議已查明否大
學士等奏曰臣等尚未商酌

上曰此項虧空據稱因公那用係何公事鵬
翮奏曰大槩如賑濟平糶以及修塘等事

上曰朕總理幾務垂五十年凡臣下隱情無
不灼知朕屢次南巡地方官預備繈夫修理
橋梁開濬河道想皆借用帑銀原冀陸續補
足而三次南巡為期相隔不遠且值蠲免荒
災所徵錢糧為數又少填補不及遂致虧空
如此之多爾等皆知之而不敢言也鵬翮曰
皇上屢次南巡必大沛恩膏于百姓至于一

切供儀悉由內府儲備無絲毫累及民間

上曰即如絳夫一項需用既多伺候日久安
得無費至于修造行宮亦必借用帑銀後方
抵補爾等豈肯明言其故乎今合計江南虧
空有幾何鵬翮曰約計共五十餘萬于準宜
思恭應賠十六萬其餘將俸工抵補至康熙
五十三年可補足矣

上曰、三年之內、地方官員、或陞、或調、或革、或
故、前各官、那用虧空、而將後來者之俸扣補、
于理不順、朕心實為不忍、至于胥吏賤役、若
不給予工食、何所資生、必致累民、今部中每
遇一事、輒議令地方官設法料理、皆修飾美
名、實則加派于地方也、鵬翮曰、
聖明無微不照、所以養育百姓者、至深且渥、

上曰朕非但為百姓亦為大小諸臣保全身
家性命也錢糧丹籍皆有可考地方官借因
公那用之名盈千累百餽送于人若加嚴訊
隱情無不畢露朕意槩從寬典不更深求令
國用充足朕躬行節儉今節因數次延幸用
錢糧四五十萬亦不為過明後年天下錢糧
以次盡行蠲免非留此虧空之項以為官民

之累甚非朕寬仁愛養嘉予維新之至意爾
等詳議具奏十一月給事中高遐昌言凡
遇蠲免錢糧之年請將佃戶田租亦酌量蠲
免著為例上諭曰蠲免但及業主而佃戶
不得沾恩伊等田租亦應租寬但山東江南
田畝多令佃戶耕種牛種皆出自業主若免
租過多又虧業主必均平無偏乃為有益尋

戶部議業主蠲免七分佃戶蠲免三分永著
為例

五十年正月

上延視通州河隄二月初九日自和韶屯乘
舟閱河至河西務登岸諭監修河工主事牛
鈕曰挖河不碍村落方善因步行指示又諭
巡撫趙弘燮曰丈量田地不可不知天下隱

匿田地不火。但不可搜剔耳。夫算法之理。皆出自易經。即西洋算法亦善。原係中國算法。彼稱為阿爾朱巴爾者。傳自東方之謂也。凡推算七九之奇數。不能盡悉。十二二十四之偶數。方能盡知。此皆體象十二時二十四氣也。三月諭大學士等曰。督撫大吏辦事。當于大者體察。不可刻意苛求。寬則得象。信則

民任焉。治天下之道，以寬為本。若吹毛求疵，
天下人安得全？無過失。趙申喬撫浙時，民多
怨之。後撫湖南，大小官員無不被叅。豈有一
省之內，無一好官耶？總之為大臣者，不可輕
率叅人。羣臣請上尊號，不允。偏沅撫潘
宗洛陞辭。諭曰：「凡為督撫者，操守甚為緊
要。爾宜潔己，為下屬表率。今天下太平無事，

以不生事為貴。興一利即生一弊。古人云。多
事不如少事。職此意也。馭下宜寬。則得衆。
為大吏者。若偏執已見。過于苛求。則下屬何
以克當。五月。駐蹕熱河行宮。諭大學士等
曰。天上度數。俱與地之寬大。脗合。以周尺算
之。天上一度。即有地下二百五十里。以今時
尺算之。天上一度。即有地下二百里。古來繪輿

圖者俱不依照天上度數以推地理遠近故
多差悞朕前特差能算善畫之人將東北一
帶山川地理俱照天上度數推算詳加繪圖
視之混同江自長白山後流出由船廠打牲
烏喇向東北流會于黑龍江入海此皆中國
地方鴨綠江自長白山東南流出向西南而
往由鳳凰城朝鮮國義州兩間流入于海鴨綠

江之西北係中國地方江之東南係朝鮮地方以江為界土門江自長白山東邊流出東南入海土門江西南屬朝鮮東北屬中國亦以江為界但鴨綠土門二江之間知之不明前遣部員往鳳凰城會審曾密諭乘此便至極盡處將邊界查明來奏想伊等已由彼起程前往矣又諭戶部江蘓巡撫張伯行奏

江蘓等府州縣無著錢糧十萬八千有奇。此
項錢糧朕知之甚悉。係地方官因公動用。未
敢申明之項。若著落後任官員賠補。必致苛
派。擾害百姓。朕殊不忍。著將此項錢糧免其
賠補。以示軫卹官民至意。又諭大學士曰。
聞福建百姓聚衆數千。在泉州所屬地方搶
奪食物。奔入山中。提督藍理三路率兵進剿。

一路兵少為折挫。此事督撫提督等俱未奏聞。將軍祖良璧雖奏亦不明白。朕乃得之傳聞者。其賊盜各處所貼揭帖。朕亦得知。內稱皇上以我等闔省老幼如同赤子恩養。屢次蠲免錢糧。又截漕由海運而至。但地方官員以皇上之恩不曾施及百姓。故我等窮民不得已而為此。若各處富戶不將米石糴賣。我等

必搶奪等語。去年朕一聞福建飢荒，即命截漕三十萬石賑濟。差去大臣及地方官以三十萬太多，因止存留十五萬石。想此來俱散兵丁，未必及百姓，所以無甚裨益。若果截留三十萬石米運去，于地方必大有益也。伊等原非賊盜，因歲歉乏食，不得已耳。若即出兵征剿，未免又生一事。朕竟遣大臣侍衛往行。

招安即可平服。則人民不傷。亦不致有害地
方。著九卿詹事科道具奏。八月諭大學士

等

梁世勲

廣西撫
調安徽

題請復熱審減等例。朕

發政施仁。務以真誠為尚。倘博取虛名。不時
遣官卹刑。將督撫審擬案件。頻飭堂司官分
行駁改。則貽累于兵民官驛。糜費于迎送餽
遺。互許多端。不知作何底止。督撫首在敦厚

風俗不時訓飭有司速結案件雖不熟審亦
無所害又諭曰太平之時不宜屢赦若將不
應宥之人宥之則奸徒逞欲怙惡不悛矣

十月免山西河南陝西甘肅湖南湖北各所
屬五十一年應徵地畝銀共八百四十萬四
千兩有奇人丁銀共一百二十萬八千二百兩有
奇並歷年舊欠共五十四萬一千三百兩有

竒。都察院左都御史趙申喬疏奏編
修戴名世妄竊文名恃才放蕩前為諸生時
私刻文集肆口游談倒置是非語多狂悖今
身膺恩遇叨列巍科猶不追悔前非焚削書
板似此狂誕之徒豈容濫廁清華旨到該部
嚴察審明具奏。江蘓撫張伯行疏言今歲
江南文闈榜發後議論紛紜于九月二十四日

有數百人。檟擁財神。直入學宮。口稱科場不
公。相應題明旨。嚴察具奏。十一月。傳問九卿。
編修楊緒。為人何如。九卿奏。為人不端。上
命革職。交地方官嚴禁。尋九卿又舉侍講錢
名世。修撰王式丹。編修賈國維。賈兆鳳四人。
行止不端。聲名不好。俱革職。禮部奏。康熙
五十年。湖廣鄉試。少中舉人十名。應將提調

監臨考官降級有差。

五十一年正月刑部等題審察戴名世所著南

山集了遺錄內有大逆等語應即行凌遲

已故方孝標所著滇黔紀聞內亦有大逆等

語應劉其屍骸汪灝方苞為名世作序俱應

立斬方正玉尤雲鶚聞拏自首應發寧古塔

安插編修劉巖雖不曾作序然不將書首出

亦應革職。

二月諭朕覽各省編審人丁數

目並未將加增之數盡行開報應令直省督撫將見今錢糧冊內有名丁數勿增勿減永為定額其自後所生人丁不必徵收錢糧編審時心將增出實數察明另造清冊題報朕欲知人丁之實數不在加徵錢糧也。

三月

增雲南貴州廣西進士各一名從都御史趙

申喬請也。四月禮部題嗣後會試不必預

定額數亦不必編南北字號并分官字號名
色請按省編號印于卷面以便分別取中其
滿洲蒙古漢軍卷面亦如各省例另編字號
俱令知貢舉合算進場舉人實數臨期具題
恭請

皇上酌量分省大小人數多寡定額取中從

之。九月諭諸皇子等皇太子允初自復立
以來狂疾未除大失人心著拘執看守。十
月朔御筆硃書允初行事乖戾斷非能改
仍行廢黜禁錮旋禁錮咸安宮遣官祭告頒
詔天下免江南安徽山東江西四省地畝
銀共八百八十二萬九千六百四十四兩有
奇人丁銀共一百三萬五千三百二十五兩

有奇並舊欠銀二百四十八萬三千八百二

十八兩有奇

總計免天下地畝人丁新征舊欠共銀三千二百六萬四千六

百九十
七兩零

十一月羣臣請上尊號不許

五十二年正月九卿議覆江南科場賄通關

節之副考官編修趙昔改斬立決呈荐吳泌

試卷之同考官句容知縣王曰俞亦改斬決

黃緣中式之吳泌及說事通賄之俞繼祖等

照原擬絞監候呈荐程光奎試卷之山陽知
縣方改斬立決程光奎在貢院埋藏文字
照擬絞候倩代中式之徐宗軾夾帶中式之
席玕照擬枷責正考官副都御史左必蕃失
察應革職從之又福建賄通關節同考官吳肇
中斬決中式王湯三通賄林英絞候正副考
官失察革職從之趙申喬奏請丹立太子

上以建儲關係甚重。未可輕定。召集諸大臣。
明諭之。二月諭朕昨問投誠海賊陳尚義。
伊等出洋行劫。遇西洋船。懼其火器。不敢逼
近。惟遇東洋商船。則掠取其銀米。亦不盡取。
以此商船仍往來不絕。中國與西洋地方。俱
在赤道北四十度內。海洋行船。中國人多論
更次。西洋^人多論度数。自彼國南行八十度。至

大狼山始復北行入廣東界常六閱月在
海中不見一山又自西洋至中國有陸路可
通因隔鄂羅斯諸國行人不便故皆從水路
而行鄂羅斯距京師約萬二千里西洋及土
兒虎特地方皆與鄂羅斯接界鄂羅斯倚土
兒虎特馬匹土兒虎特用鄂羅斯皮張往年
鄂羅斯與雪西洋戰土兒虎特助之大敗雪

西洋又回子溫都斯坦布海兒夜兒根等處
產鎗製甲四十層可敵浙江綿八十層曾以
鳥鎗試驗知之又過哈密六百里有吐魯番
去雪山百餘里其人晝伏至夜始出耕種其
地甚熱而多石若日出時耕種輒焚死又哈
薩克即古陽關地其人性好鬪常結隊以殺
擄為事人心亦齊若婦女被人擄去其婦女

必乘間手刃其人而回。此地亦熱。草極肥盛。
馬皆汗血。所產蘋果。葡萄。梨等物。皆大而美。
又西北回子。種類極多。皆元太祖後裔。又有
一支在小西洋。約十萬人。皆住帳房。為北極
下為最寒。往時曾有人築室而居。明年人往
視之。其人已無復存者。但見林間雪深數丈
而已。昔人云。北海有積冰數百丈。向以為荒

誕。以此觀之。信不誣也。總之。西北地方極大。
其風土亦各不同。朕曾詳悉訪問。是以周知
也。刑部審擬戴名世一案。請旨上諭。戴名
世。從寬免凌遲。即處斬。方登嶧。方雲旅。方世
樵。俱免死。並妻子充發黑龍江。此案內干連
人犯。俱從寬免治罪。著入旂。刑部等會議。
順天鄉試中第一名查為仁之父。查日昌。倩

人為伊子代筆，賄買書辦，傳遞文章，事發又
脫逃被獲，應斬。監候查為仁書役龔大業，俱
絞監候。代作文舉人邵坡，應革去舉人杖徒。
從之。後查氏父又順天鄉試中式之周啓，係

原任步軍統領托合齊家人，周三之子，倩代
作弊，事發旨，周三、周啓身係奴僕，肆行賄賂，
紊亂科場大典，俱著即處斬。三月。

萬壽節行慶賀禮。頒恩詔。恩款四十五條宴直隸各

省漢大臣官員士庶九十以下六十以上者

于暢春園。八旂滿洲蒙古四月趙申喬奏京

城農忙停訟

上曰農忙停訟之言。聽之似乎有理。細究實無裨

益。云云不允。閏五月禮部題兵部侍

郎宗駿業詹事史夔故應照例賜卹。上諭

曰漢人中史夔宋大業宋駿業張志棟皆甚
無恥宋駿業以能畫在內廷行走乃一險人
專事結黨學問不及朕知而遠之姑念內廷
効力給與半葬史夔著停心止

五十三年二月刑部覆江蘓撫張伯行疏稱
江南鄉試副考官趙晉自縊身死一案應將
揚州府知府趙弘煜等議處尋伯行言屍圖

與趙晉狀貌不符。生死難明。將趙弘煜等革職嚴審。九卿奉旨議修撰編修檢討庶吉士教習進士并科道官員除丁憂終養外有告病回籍者悉令致仕從之。三月原任戶部尚書王鴻緒進所撰明史列傳二百八十五卷命交明史館。四月九卿等遵旨議凡坊肆一應小說淫詞嚴查禁絕將板與書一并

盡銷毀違者治罪有差

印刻者杖流
市賣者杖徒

原任

兩江總督噶禮之母叩閤言我親生子噶禮

令厨人下藥欲將我藥死刑部審據首服擬

凌遲旨著自盡

五月鴻臚少卿文志鯨為

廣西正考官編修汪份為副

六月諭大學

士等曰萬歷年間太監奏庫內積銀二百萬

兩有餘應入大內遂盡收養心殿後掘窖埋藏

後欲取用已無有矣。所以耆舊常言明代蓄
積徒滋太監侵盜耳。明代以爭議河套事曾
殺大臣。此一小事。何至殺戮大臣。若朕只須
遣一筆帖式一撥什庫事即定矣。又曰。條奏
官員每以墾田積穀為言。伊等俱不識時務。
今人民蕃庶。食衆田寡。山地盡行墾種。此外
有何應墾之田。為積穀計耶。十二月是歲

人丁戶口二千四百六十二萬二千五百二
十四又永不加賦滋生人丁十一萬九千二
十二田地山場畦地六百九十五萬七百六
十四頃九十畝有奇徵銀一千九百八十九
萬三千二百六十二兩五錢有奇米豆麥六
百八十三萬一千六百六十六石有奇草四
百四萬六千二百七十四束茶三十四萬一

千四百二十四引行鹽五百九萬九千八百
五引徵課銀三百七十四萬一千一百二十
四兩零鑄錢三萬八千六百五十五萬九千
九百有奇

上回鑾駐蹕南石槽先是商人馬維屏等以
願領大錢收買小錢叩閣命內務府同戶部
會議戶部尚書趙申喬以其事不可行而即

中羅復晉將准行議稿送侍郎王原祁廖騰
燊畫題具奏不曾送伊畫題疏請罷斥至是
迎駕

上問曰爾告退何意申喬奏曰司官藐視無
顏居職

上曰凡事有理不可尚氣君子懲忿窒慾此
最宜詳思此一小事司官藐視即當叅拏

何必忿怒。且寬則得衆。爾性苛急。不能容人。
向任巡撫時。所叅官員。有身自知之。而叅者。
亦有因人言而叅者。果皆實耶。天地之大德。
曰生。所謂好生者。非但不殺而已。蓋于萬物。
皆養育而保全之。之謂也。爾居官雖清。豈可
自恃其清。而為矯激之行乎。隨將原奏批發。
趙申喬身係大臣。此事若斷不可行。理應具

疏陳奏乃為無可控告之狀。輒欲乞休。殊屬不合。著速入部辦事。諭大學士等曰。清官多刻。刻則下屬難堪。清而寬。方謂盡善。朱子云。居官人。清而不自以為清。始為真清。又如易云。不家食。為官之人。凡所用之物。若皆取諸其家。其何以濟。故朕于大臣官員。每多包容之處。不察于細故也。又當做秀才時。負笈

徒步及登仕版從者數人乘馬肩輿而行豈
得一一問其所從來耶

五十四年四月甘肅提督師懿德疏報四月
初二日哈密孔薩克達爾漢白克額敏咨言
厄魯特策妄阿喇布坦遣兵至其北境侵掠
五寨三月二十五日抵哈密城下臣檄總兵
路振聲兵先赴哈密臣俟出廠馬調到即親

身往救。旨發西安滿兵三千。令將軍席柱與
副都統一員。帶領總督標下營兵二員。十令副
將帶領甘肅提督。亦令帶領標下兵星急救。
應西安將軍親往不便。又令大臣官轄著吏
部尚書富寧安前往。與將軍公同商酌而行。
法腦著隨去。祁里德著授為散秩大臣。前往
推河。試新選庶吉士。陳儀等四十五人。于

暢春園內。魏協韓從玉。以文理未優。仍歸班
用。師懿德疏報。駐防哈密遊擊潘至善。筆
帖式常保住等。于三月二十六日。率領官兵
二百餘人。同哈密白克額敏。擊敗策妄阿喇
布坦兵二千。人于哈密。授一甲進士。徐陶
璋。為修撰。繆曰藻。傅玉露。為編修。調右衛
察哈尔。歸化城。黑龍江。索倫。打虎兒。喀喇沁。

鄂尔多斯兵往推河駐札令將軍費揚古率
領調遣諭翰林院今科進士特加閱取李
文銳張應造吳應楨任中柱蔡衍誥陳儀李
錦李克敬梅穀成胡彥穎懷淵中陳邦直楊
超曾曹友夏湯倏李鳳岐張鳴鈞楊克茂朱
璋張鱗甲趙城成文凌如煥侯度李天寵裘
漣江濟楊鳳岡栗爾璋德齡閔隄竇啓英宋

懷金沈竹薩綸錫吳傳觀蔣林陳世仁冀棟
徐學柄高荀儵潘淳德新等四十三人俱改
為庶吉士路振聲報臣領兵于本月十二
日至額爾特木爾去哈密百二十里策妄阿
喇布坦聞信于初七日遁去五月命左都
御史兼掌院學士揆叙吏部右侍郎兼掌院
學士湯右曾教習庶吉士遣使由喀爾喀

哈密西路賁勅往諭策妄阿喇布坦大臣

等遵旨議奏前遣西安滿洲綠旗兵五千已
各遣一千駐噶斯口扼要外由哈密進發之
兵稍覺單弱應撥甘肅兵三千涼州固原寧
夏兵各二千付富寧安席柱統領旨固原寧
夏兵著董大成吳坤率領前進甘涼兵著師
懿德率領前進六月大臣議覆西安將軍

席柱尚書富寧安疏言應令席柱等停其在
甘肅喂養馬匹率領兵丁挨次出由隆吉爾
塔爾那秦至巴爾庫爾今改巴里坤等地擇水草
好處分駐七月諭議政大臣等近和托輝
特公博貝奏請招撫吳梁海及策妄所屬厄
魯特杜爾伯特丹津一千人戶若抗拒即行
攻取等語甚是著照所請將根敦扎薩克羅

卜藏所屬翁科特兵扎薩克濟納米達兵扎
薩克台吉阿里雅兵添給路振聲言奉部
文令臣移駐哈密城後托河齊哲克得里等
處查此地即哈密第三堡西北之沙東泉其
地濕熱馬難肥壯沙東泉西北九十里山
名為無克之嶺其山下即巴爾庫爾地方請
移營于此要路駐扎從之大臣議奏屯田

事據費揚古

右衛將軍室室

言詢得蘓勒圖哈拉烏

蘓拜達拉克河明愛察罕格爾庫爾奇勒扎
布罕河察罕搜尔布拉罕口烏闌古木等處
俱可種地丹臣等現駐扎察罕扎輝扎布罕
河特斯河一帶地方應派善種地之土默特
兵前行耕種應如所請丹哈密亦可耕種應
行文席柱富寧安將西吉木布隆吉爾等處

勘明具奏依議

九月諭今年既不進兵令

富寧安回肅州料理軍務錢糧

和托輝特

公博貝疏報招撫吳梁海已經歸順又議覆

席柱富寧安言臣等于六月二十九日自甘

州率兵起程八月十八至巴爾庫爾東西兩

邊俱係大谷地方寬長且水草好已令兵

接連立營從之

十月奎儀使董大成言臣

至噶斯口巡查並無來往人迹噶斯口三面
雪山中有一線水草皆係蘆葦其大路在得
布特里西南走藏東南走青海西寧大通河
半月即到永固城西北走柴旦木吐魯番等
處乃策妄出入咽喉要路云云旨董大成已
著回肅州到後著勒限來京左都御史
劉謙及子編修劉自潔以率僕毆傷御史任

奕鑒俱革職

十一月以宋儒范仲淹從祀

孔廟從學政余正健請也

諭刑部翰林何

焯朕欽賜以舉人進士伊當終身感激乃生

性不識恩義將今時文章比之萬歷末年將

伊女與兄襁撫養又為潘耒之子夤緣罪應

正法但念其稍能記誦從寬免死著將伊官

銜并進士舉人革去在修書處行走

五十五年二月命民間買賣地畝其丁隨地
輸課從御史董之燧請也三月諭大學士
等朕常立小旂占風并令直省凡起風下雨
之時一一奏報見有京師是日西北風而山
東是日東南風者古人云隔里不同風此言
最確又嘗考驗雷聲不出百里之外易云震
驚百里若霹靂則不過七八里也至于礮聲

竟可聞于二三百里。從前盧溝橋演礮，天津
皆聞之。此其驗也。書中云：北方苦寒之地，冰
結十丈，春夏不消。今果有其地。又淵鑑類函
有云：磳鼠有重至萬觔者。今亦有之。其身如
象牙，亦似象牙，但稍黃耳。此皆與古書相符
者也。又地理上應天文，中國山脈皆由崑崙
而來。彼地四面有江，土人呼崑崙為枯隴，推

算天象中國與瀚海俱在赤道四十五度之內。四十五度之南水皆向南而東流。四十五度之北俱向北流。此皆天文地理相合處也。圖爾胡特貝子阿喇布珠爾奏請軍前効力。允之。命領所屬于青草發時前往噶斯口防守。草席柱將軍以護軍統領晏布代之。副都統吳坤亦撤回。以總兵張弘印代之。十

月諭大學士等張伯行條奏宜立社倉前李
光地為直隸巡撫亦曾會請立社倉朕諭此事
言之甚易行之甚難爾姑試行後果無與成效
倉庫糧帑設官專理尚且虧空社倉所收穀
石交百姓收貯寺廟虧空又何待言耶爾等
會議奏覆富寧安疏言肅州迤北地方可
開墾處甚多酌量河水灌溉今歲西吉木達

里圖布隆吉爾三處共收糧一萬四千餘石。
請將西吉木達里圖及金塔寺等處動正項
招民耕種從之。十一月諭明年暫停進兵。
遣兵兩路襲擊。

五十六年正月以噶斯路駐兵一千單弱以
西安兵二千及西寧兵一千益之。二月欽
天監題奉旨歷日內所歷男女九宮以上元

為中元傳誤已久。宜悉依星歷考原更改。今以康熙二十三年甲子為上元。男起一宮。嗣後中元甲子起四宮。下元甲子起七宮。謹將康熙五十七年更改三元九宮民歷式樣繕呈。授富寧安為靖逆將軍。領兵分兩路襲擊策妄阿喇布坦邊界。烏魯木齊。吐魯番等處。會全總督額倫特。商議料理。三月。福建

撫陳瓚以巡撫衙門一年支用賞兵給役並
各項費用銀兩奏聞得旨前陳瓚奏稱將此
項公用銀兩撥充餉銀曾諭以督撫等將此
具奏者朕並未准緣此項係伊等應用之銀
並非正項錢糧若撥充餉銀嗣後不肖之徒
必于此外又行侵蝕索取諭旨甚明陳瓚
屑具題著嚴飭行命富寧安為靖遠將軍

由巴爾庫爾

今改巴里坤

一路公傳爾丹為振武

將軍祁里德協理將軍由阿爾泰一路襲擊

準噶爾

四月兵部議覆廣東總兵陳昂疏

言天主一教設自西洋今各省設堂招集匪

類此輩居心叵測因下廣州城設立教堂內

外布滿加以同類洋船叢集安知不交通生

事乞勅早為禁絕查康熙八年奉旨天主教

除南懷仁等照常自行外各省嚴禁止行但日

久法弛應再行嚴禁從之奉 旨外省

督撫提鎮嗣後在由京出外及各省引見官

員前奏請朕安者永行停止 七月諭曰朕

常留心格物之學如雷擊木必于畧無瑕疵

枝葉整齊者方擊之如擊馬已割耳鼻之馬

亦不擊再書冊所載有所謂雷斧雷楔者大

約得自深林者皆石。得自平原者皆銅。朕所得最多。將小石一塊。置于泉水攪之。即可祈雨。蒙古謂之查達齊。書冊則曰查達也。富寧安疏報。臣等分兵三隊。于六月二十六日。由巴尔庫爾進發。令散秩大臣阿喇衲等領兵一千三百為頭隊。往擊厄魯特邊境。臣統大兵尾其後。于七月初四日。將至阿克他斯。據

阿喇衲報稱初三至烏蘭烏蘓。拏獲策妄阿
喇布坦哨兵二人。富寧安奏臣等自烏魯
木齊回兵向畢留圖而來。路遇厄魯特三百
餘人。臣整兵迎剿。賊敗奔深山。灰特台吉扎
穆畢陣亡。又奏七月初十日。至烏魯木齊。
拏獲回子探問準噶爾消息。前進至通俄巴
錫。拏獲回子男婦幼童一百六十九名。并駝

馬牛羊等物。將各處田禾俱行踐踏。十二日
將兵撤回。八月。傅爾丹奏臣等派襲擊之
兵。分隊前進。公博貝統兵于六月二十九日
至博羅布爾哈蘓。追斬厄魯特五人。擒四人。
遣額駙吳爾袞等遣人分路尋探。並無賊踪。
于七月十七日回兵。九月。四川提督康泰
領兵一千餘人。至黃勝關柏木橋。鼓譟而歸。

命康泰來京。十月，命侍郎梁世勲、海壽督理巴爾庫爾屯田。命副都統法喇往四川至成都，斬守備汪文藻等五人，兵遂定。會同年羹堯料理軍需。又諭：見在西邊用兵之處，與雲南及打箭爐道路相通，著都統和禮往雲南，護軍統領溫普往打箭爐。青海親王、羅卜藏丹津疏報策妄阿喇布坦屬下策

零敦多卜等領兵三千來西藏拉藏汗整兵
交戰數次而無勝負策零兵凍餒疲極云

上令內大臣公策旺諾爾布將軍額倫特侍
衛阿齊圖等駐兵青海形勝之地松潘兵亦
駐形勝地以便哨探有事彼此相助并移文
富寧安等知悉十一月免八旗公庫未行
扣完銀一百九十六萬八千零免直隸安

徽、江、蘓、浙、江、江、西、湖、廣、西、安、甘、肅八處帶徵
地丁屯衛銀二百三十九萬八千三百八十
兩零其安徽、江、蘓所屬帶徵漕項銀四十九
萬五千一百九十餘兩米、麥、豆一百十四萬
六千六百一十餘石免徵各半 十二月
皇太后不豫 初六日崩于寧壽宮
上孝服用布



